
Одил судловни ва жамиятда адолатни таъминлашда қатъият билан давом этамиз

Ўзбекистон Республикаси Президенти Шавкат Мирзиёев раислигида 2020 йил 30 июнь куни одил судловни таъминлаш ва коррупцияга қарши курашиш борасидаги вазифалар муҳокамасига бағишланган видеоселектор йиғилишида судлар олдига ўта муҳим вазифалар қўйилди.

Энг асосийси, суд идорасига келган ҳар бир шахс Ўзбекистонда адолат борлигига ишониш кераклиги, бу Давлат раҳбарининг талаби эканлигини Президентимиз алоҳида таъкидладилар.

Видеоселектор йиғилишида суд фаолиятига аралashiшга ҳеч кимнинг ҳаққи йўқлиги, бундай аралashiш - давлат сиёсатига ҳиёнат деб баҳоланишига алоҳида урғу берилди.

Одил судловни таъминлаш борасидаги бундай жонқуярлик давлатимизда адолатни, инсонпарварлик ва одилликни таъминлашга қаратилган энг эзгу ният ва талабдир, албатта. Ушбу берилаётган имкониятлар ва Президентимизнинг биз судьяларга билдирган ишончлари вазифамизга янада масъулият билан ёндашишимизни талаб этади.



Жиноят ишлари бўйича Ўзбекистон туман суди томонидан 2020 йилнинг биринчи ярми давомида одил судловни таъминлаш мақсадида бир қатор ишлар амалга оширилди.

Хусусан, 2020 йилнинг биринчи ярми давомида 83 нафар шахсга нисбатан

76 та жиноят иши кўрилиб, 56 нафар шахсга нисбатан айблов ҳукми чиқарилган бўлса, 27 нафар шахсга нисбатан жиноят ишлари жабрланувчилар гумон қилинувчи ёки судланувчилар билан ярашганлиги муносабати ярашувга асосан ҳаракатдан тугатилган.

Айблов ҳукмлари чиқарилган жиноят ишлари бўйича 4 нафар шахсга жарима жазоси, 20 нафар шахсга ахлоқ тузатиш ишлари жазоси, 22 нафар шахсга озодликни чеклаш жазоси, 5 нафар шахсга озодликдан маҳрум қилиш жазоси, 4 нафар шахсга шартли синов муддати белгиланган. 1 нафар шахсга нисбатан жазо тайинланмасдан ҳукм чиқарилган.

5 нафар шахсга нисбатан 2 та жиноят ишлари бўйича дастлабки тергов органи томонидан асоссиз қўйилган айбловлар енгилроғига қайта малакаланган.

9 нафар шахс суд залидан қамоқдан озод қилинган, 12 нафар шахсга нисбатан жиноят кодексининг 57-моддаси қўлланиб, айбланаётган модда санкциясида назарда тутилган энг кам жазодан ҳам енгилроқ жазо тайинланган.

Шунингдек, 2020 йилнинг биринчи ярми давомида суд раиси томонидан ўтказилган шахсий ва сайёр қабулларда 9 нафар фуқароларнинг мурожаатлари ўрганилиб, 4 та мурожаат юзасидан тушунтириш берилган, 5 та мурожаат қаноатлантирилган.

Республикамизда фаолият кўрсатаётган судьялар корпуси Президентимизнинг судлар олдига қўйган талабни, яъни суд идорасига келган ҳар бир шахс Ўзбекистонда адолат борлигига ишонишини таъминлашга қатъий киришган.

Албатта, биз судьялар юртбошимизнинг ишончини оқлашга, мамлакатимизда одил судловни, қонун устиворлигини таъминлашда қатъият билан давом этамиз.

О.Мирсадиков

Жиноят ишлари бўйича Ўзбекистон туман судининг раиси

2020-07-09 18:13:09